

新刊王氏脉經

新刊王氏脈經卷第八

朝散大夫守光祿卿直秘閣判登聞檢院上護軍臣林億等類次

平卒尸厥脈證第一

平瘥濕暈脈證第二

平陽毒陰毒百合狐惑脈證第三

平霍亂轉筋脈證第四

平中風歷節脈證第五

平血痺虛勞脈證第六

平消渴小便利淋脈證第七

平水氣黃汗氣分脈證第八

平黃疸寒熱瘧脈證第九

平腎痺心痛短氣責脉證第十

平腹滿寒疝宿食脉證第十一

平五藏積聚脉證第十二

平驚悸衄吐下血骨滿瘀血脉證第十三

平嘔噦下痢脉證第十四

平肺痿肺癰欬逆上氣喘飲脉證第十五

平癰腫腸癰金瘡侵淫脉證第十六

平卒中厥脉證第一

寸口沈大而滑沈則為實滑則為氣實氣相搏血氣入於藏即死入於腑即愈此為卒厥不知人唇青身冷為入藏即死如身溫和汗自出為入腑而復自愈

平產濕暍脉證第二

產一作瘕

盛入脉潛小短氣自汗出歷節疼不可屈伸此皆飲酒汗出當風所致也

寸口脉沈而弱沈則主骨弱則主筋沈則為腎弱則為肝汗出入水中如水傷心歷節黃汗出故曰歷節也味酸則傷筋筋傷則緩名曰泄臑則傷骨骨傷則痿名曰枯枯泄相搏名曰斷泄榮氣不通衛不獨行榮衛俱微三焦無所御四屬斷絕身體羸瘦獨足腫大黃汗出脛冷假令發熱便為歷節也病歷節疼痛不可屈伸烏頭湯主之

諸肢節疼痛身體魁漂脚腫如脫頭眩短氣溫溫欲吐桂枝芍藥知母湯主之

平血痺虛勞脉證第六

問曰血痺從何得之師曰夫尊榮人骨弱肌濡盛重因受風

汗出臥不時動搖加被微風遂得之形如風狀集解云其狀如被微風所吹但以脉自微濇在寸口關上小緊宜針引陽氣令脉和緊去則愈

血痺陰陽俱微寸口關上微尺中小緊外證身體不仁如風狀黃耆桂五物湯主之

夫欲治病當先知其證何趣乃當攻之耳

男子平人脉大為勞極虛亦為勞

男子勞之為病其脉浮大手足暖春夏劇秋冬差陰寒精自出酸削不能行少陰虛滿

人年五六十其脉浮大者痺俠背行舌腸鳴馬刀俠嬰者皆為勞得之

男子平人脉虛弱細微者喜盜汗出也

男子面色薄者主渴及亡血卒喘悸其脉浮者裏虛也

男子脉虛沈弦無寒熱短氣裏急小便不利面色白時時目瞑此人喜衄少腹滿此爲勞使之然

男子脉微弱而澀爲無子精氣清冷

夫失精家少腹弦急陰頭寒目眦痛

一云目眩

髮落脉極虛乳達

爲清穀亡血失精

脉得諸乳動微緊男子失精女子夢交通桂枝加龍骨牡蠣湯主之

脉沈小遲名脫氣其人疾行則喘喝手足逆寒腹滿甚則溏泄食不消化也

脉弦而大弦則爲減大則爲乳減則爲寒乳則爲虛寒虛相搏此名爲革婦人則半產漏下男子則亡血失精

平消渴小便利淋脈證第七

師曰厥陰之爲病消渴氣上衝心心中疼熱飢而不欲食食即吐下之不肯止

寸口脈浮而遲浮則爲虛遲則爲勞虛則衛氣不足遲則榮氣竭跌陽脈浮而數浮則爲氣數則消穀而堅要緊作大堅氣盛則溲數溲數則緊要緊作堅緊數相搏則爲消渴

男子消渴小便反多以飲一斗小便一斗腎氣圓主之

師曰熱在

一作結

下焦則溺血亦令人淋閉不通淋之爲病小

便如粟狀少腹弦急痛引臍中寸口脈細而數數則爲熱細則爲寒數爲強壯跌陽脈數胃中有熱則消穀引食大便必堅小便則數少陰脈數婦人則陰中生瘡男子則氣淋淋家不可發汗發汗則必便血

惡寒則甚加溫針則發熱益甚數下之淋復甚

平陽毒陰毒百合狐惑脉證第三

陽毒爲病身重腰背痛煩悶不安狂言或走或見鬼或吐血下痢其脉浮大數回赤斑斑如錦文喉咽痛唾膿血五日可治至七日不可治也有傷寒一二日便成陽毒或服藥吐下後變成陽毒升麻湯主之

陰毒爲病身重背強腹中絞痛咽喉不利毒氣攻心心下堅強短氣不得息嘔逆脅青面黑四肢厥冷其脉沈細緊數身如被打五六日可治至七日不可治也或傷寒初病一二日便結成陰毒或服藥六七日以上至十日變成陰毒甘草湯主之

百合之爲病其狀常默默欲臥復不能臥或如強健人欲得

出行而復不能行意欲得食復不能食或有美時或有不
聞飲食臭時如寒無寒如熱無熱朝至口苦小便赤黃身
如和其脉微數百脉一宗悉病各隨證治之百合病見於陰
者以陽法救之見於陽者以陰法救之見陽攻陰復發其汗
此爲逆其病難治見陰攻陽乃復下之此亦爲逆其病難治
千金方云見在於陰而攻其陽則陰不得解也復發其汗爲逆也見在於陽而攻其陰則陽不得解也復下之其病不愈
狐惑爲病其氣如傷寒默默欲眠目不得閉臥起不安蝕於
喉爲惑蝕於陰爲狐狐惑之病並不欲飲食聞食臭其面目
乍赤乍白乍黑其毒蝕於上者則聲啞其毒蝕下部者咽乾
蝕於上部瀉心湯主之蝕於下部苦參湯淹洗之蝕於肛者

雄黃熏之

一作一

其人脉數無熱微煩默默欲卧汗出初得二四日日赤如鳩

眼得之七八日目四眚黃黑若能食者膿已成也赤小豆湯歸散主之

病人或從呼吸上蝕其咽或從下膈蝕其肛陰蝕上爲感蝕下爲狐狐感病者猪苓散主之

平霍亂轉筋脉證第四

問曰病有霍亂者何師曰嘔吐而利此爲霍亂

問曰病者發熱頭痛身體疼惡寒而復吐利當屬何病師曰當爲霍亂霍亂吐利止而復發熱也傷寒其脉微澀本是霍亂今是傷寒却四五日至陰經上轉入陰必吐利

轉筋爲病其人臂脚直脉上下行微弦轉筋入腋雞白散主之

平中風歷節脉證第五

夫風之爲病當半身不遂或但臂不遂者此爲痺脈微而數中風使然

頭痛脈滑者中風風脈虛弱也

寸口脈浮而緊緊則爲寒浮則爲虛虛寒相搏邪在皮膚濇者血虛絡脈空虛賊邪不瀉或左或右邪氣反緩正氣則急正氣引邪喎僻不遂邪在於絡肌膚不仁邪在於經則重不勝邪入於腑則不識人邪入於藏舌即難言口吐涎

寸口脈遲而緩遲則爲寒緩則爲虛榮緩則爲亡血衛遲則爲中風邪氣中經則身癢而癢癢心氣不足邪氣入中則骨滿而短氣

趺陽脈浮而滑滑則穀氣實浮則汗自出

少陰脈浮而弱弱則血不足浮則爲風風血相搏則疼痛如蠱

肺水者其身腫小便難時時鴨溲

脾水者其腹大四肢苦重津液不生但苦少氣小便難

腎水者其腹大臍腫腰痛不得溺陰下濕如牛鼻上汗其足

逆冷面又瘦

一云大便反堅

師曰諸有水者腰以下腫當利小便腰以上腫當發汗乃愈

師曰寸口脈沈而遲沈則爲水遲則爲寒寒水相搏趺陽脈

伏水穀不化脾氣衰則驚澹胃氣衰則身腫

少陽脈卑少陰脈細男子則小便不利婦人則經水不通經

爲血血不利則爲水名曰血分

一云水分

問曰病者若水面目身體四肢皆腫小便不利師脈之不言

水反言皆中痛氣上衝咽狀如炙肉當微然喘審如師言其

脈何類師曰寸口脈沈而緊沈爲水緊爲寒沈緊相搏結在

關元始時當微年盛不覺陽衰之後榮衛相干陽微陰盛結
寒微動緊氣上衝喉咽塞噎脇下急痛醫以爲留飲而大下
之氣擊不去其病不除後重吐之胃家虛煩咽躁欲飲水小
便不利水穀不化面目手足浮腫又與葶蘆丸下水當時如
小差食飲過度腫復如前背脇苦痛象若奔豚其水揚溢則
浮欬喘逆當先攻擊衝氣令止乃治欬欬止自喘自差先治
新病病當在後

言當先治本病也
治新病則病自止

黃汗之病身體洪腫

一作重

發熱汗出而渴

而渴一作不渴

狀如風水

汗沾衣色正黃如蘗汗其脈自沈

問曰黃汗之病從何得之師曰以汗出入水中浴水從汗孔
入得之黃耆芍藥桂枝苦酒湯主之

黃汗之病兩脛自冷假令發熱此屬歷節食已汗出又身常

暮卧盜汗出者此虛氣也若汗出已反發熱者久久其身必
甲錯發熱不止者必生惡瘡若身重汗出已輒輕者久久必
身瞤瞤則骨中痛又從腰以上必汗出下無汗腰寬弛痛如
有物在皮中狀刺者不能食身疼重煩躁小便不利此爲黃
汗桂枝加黃耆湯主之

寸口脈遲而濇遲則爲寒濇爲血不足趺陽脈微而遲微則
爲氣遲則爲寒寒氣不足則手足逆冷手足逆冷則榮衛不
利榮衛不利則腹滿脇鳴相逐氣轉膀胱榮衛俱勞陽氣不
通則身冷陰氣不通則骨疼陽前通則惡寒陰前通則痺不
仁陰陽相得其氣乃行太氣一轉其氣乃散實則失氣虛則
遺溺名曰氣分氣分心下堅大如盤邊如旋杯水飲所作桂
枝去芍藥加麻黃細辛附子湯主之

心下堅大如盤邊如旋盤水飲所作枳實木湯主之

平黃疸寒熱瘧脈證第九

凡黃候其寸口脈近掌無脈口鼻冷並不可治脈沈渴飲飲水小便不利者皆發黃

腹滿舌痿黃躁不得睡屬黃家

師曰病黃疸發熱煩喘皆滿口躁者以發病時火劫其汗兩熱所得然黃家所得從濕得之一身盡發熱而黃肚熱熱在裏當下之

師曰黃疸之病當以十八日為期治之十日以上為差反劇為難治

又曰疸而渴者其疸難治疸而不渴者其疸可治發於陰部其人必嘔發於陽部其人振寒而發熱也

平水氣黃汗氣分脈證第八

師曰病有風水有皮水有正水有石水有黃汗風水其脈自浮外證骨節疼痛其人惡風皮水其脈亦浮外證肘腫按之沒指不惡風其腹如鼓如鼓一作不滿不渴當發其汗正水其脈沈遲外證自喘石水其脈自沈外證腹滿不喘黃汗其脈沈遲身體發熱晝滿四肢頭面腫久不愈必致癰膿

脈浮而洪浮則爲風洪則爲氣風氣相搏風強則爲癰瘡身體爲癢癢爲泄風久爲痼癰氣強則爲水難以俛仰風氣相擊身體洪腫汗出乃愈惡風則虛此爲風水不惡風者小便通利上脘有寒其口多涎此爲黃汗

寸口脈沈滑者中有水氣面目腫大有熱名曰風水視之目裹上微腫如新臥起狀其頸脈動時欬按其手足上陷

而不起者風水太陽病脉浮而緊法當骨節疼痛而反不疼
身體反重而酸其人不渴汗出即愈此爲風水惡寒者此爲
極虛發汗得之渴而不惡寒者此爲皮水身腫而冷狀如周
痺骨中窒不能食反聚痛暮躁不眠此爲黃汗痛在骨節熱
而喘不渴者此爲脾脹其形如腫發汗即愈然諸病此者渴
而下利小便數者皆不可發汗

風水其脉浮浮爲在表其人能食頭痛汗出表無他病病者
言但下重故從腰以上爲和腰以下當腫及陰難以屈伸防

已黃耆湯主之

一云風水脉浮身重汗出
惡風皆防已黃耆湯主之

風水惡風一身悉腫脉浮不渴續自汗出而無大熱者越婢
湯主之

師曰裏水者一身面目洪腫其脉沈小便不利故令病水假

如小便自利亡津液故令渴也越婢加木湯主之其脈沈頭

面浮腫小便不利故令病水故令小便自利亡津液故令渴也

皮水之爲病四肢腫水氣在皮膚中四肢聶聶動者防已茯苓湯主之

趺陽脈當伏今反緊本自有寒心腹腹中痛醫反下之下之則胃滿短氣

趺陽脈當伏今反數本自有熱消穀一作消渴小便數今反不利此欲作水

寸口脈浮而遲浮脈熱遲脈潛熱潛相搏名曰沈趺陽脈浮而數浮脈熱數脈止熱止相搏名曰伏沈伏相搏名曰水沈則絡脈虛伏則小便難虛難相搏水走皮膚則爲水矣寸口脈弦而緊弦則衛氣不行衛氣不行則惡寒水不消流

走在腸間

少陰脉緊而沈緊則爲痛沈則爲水小便即難師曰脉得諸沈者當責有水身體腫重水病脉出者死

夫水病人目下有卧蠱面目鮮澤脉伏其人消渴病水腹大
小便不利其脉沈絕者有水可下之

問曰病下利後渴飲水小便不利腹滿因腫者何也

答曰此法當病水若小便自利及汗出者自當愈

水之爲病其脉沈小屬少陰浮者爲風無水虛脹者爲氣水
發其汗即已沈者與附子麻黃湯浮者與杏子湯

心水者其身重而少氣不得卧煩而躁其陰大腫

肝水者其腹大不能自轉側脇下腹中痛時時津液微生小

便續通

師曰病有實脈有吐膿有噎怖有火邪此四部病皆從驚發得之

平腹滿寒疝宿食脈證第十一

跌陽脈微弦法當腹滿不痛者必下部閉塞大便難兩胛云脚疼痛此虛寒從下上也當以溫藥服之

病者腹滿按之不痛為虛痛者為實可下之舌黃未下者下之黃自去腹滿時減減復如故此為寒當與溫藥

跌陽脈緊而浮緊則為痛浮則為虛虛則腸鳴緊則堅滿

雙脈弦而達者必心下堅脈大而緊者陽中有陰也可下之病腹中滿痛為實當下之

腹滿不減減不足言當下之

腹滿而痛者不可下也

病腹滿發熱數十日脈浮而數飲食如故厚朴三物湯主之

寸口脉遲而緩遲則無寒緩則為氣氣寒相搏轉絞而痛

寸口脉遲而澀遲為寒澀為無血

夫中寒家喜欠其人清涕出發熱色和者善嚏

中寒其人下利以裏虛也欲嚏不能此人肚中寒

一作痛

夫瘦人繞臍痛必有風冷氣穀氣不行而反下之其氣必衝不衝者心下則痞

寸口脉弦者則脇下俱急而痛其人齒齬惡寒也

寸口脉浮而滑頭中痛跌陽脉緩而遲緩則為寒遲則為虛

虛寒相搏則欲食溫假令食冷則咽痛

寸口脉微尺中緊而澀緊則為寒微則為虛澀則血不足故

知發汗而復下之也緊在中央知寒尚在此本寒氣何為發

汗復下之耶

夫脉浮而緊乃弦狀如弓弦按之不移脉数弦者當下其寒
脇下偏痛其脉緊弦此寒也以溫藥下之宜大黃附子湯
寸口脉弦而緊弦則衛氣不行衛氣不行則惡寒緊則不欲
食弦緊相搏則爲寒疝

趺陽脉浮而遲浮則爲風虛遲則爲寒疝寒疝繞臍痛若發
則白汗出手足厥寒其脉沈弦者大烏頭湯主之

問曰人病有宿食何以別之師曰寸口脉浮大按之反澀尺
中亦微而澀故知有宿食

寸口脉緊如轉索左右無常者有宿食

寸口脉緊即頭痛風寒或腹中有宿食不化

脉滑而數者實也有宿食當下之

下利不數食者有宿食當下之

大下後六七日不大便煩不解腹滿痛此有燥屎也所以然者本有宿食故也

宿食在上管當吐之

平五藏積聚脉證第十二

問曰病有積有聚有繫氣

繫一作穀下同

何謂也師曰積者藏病也

終不移聚者腑病也發作有時轉痛移為可治繫氣者脇

下痛按之則愈愈復發為繫氣夫病已愈不得復發全病後

發即為繫氣也

諸積大法脉來細而附骨者乃積也

細一作結

寸口積在胃中微

出寸口積在喉中關上積在臍傍上關上積在心下微下關

積在少腹尺積在氣街脉出在左積在左脉出在右積在右

脉兩出積在中央各以其部處之

師曰諸病黃家但利其小便假令脈浮當以汗解之宜桂枝加黃耆湯又男子黃小便自利當與小建中湯

黃疸腹滿小便不利而赤自汗出此爲表和裏實當下之宜大黃黃蘗梔子芒消湯

黃疸病小便色不變欲自利腹滿而喘不可除熱熱除必噦噦者小半夏湯主之

夫病酒黃疸必小便不利其喉心中熱足下熱是其證也心中懊懣而熱不能食時欲吐名曰酒疸

酒黃疸者或無熱靖言了了腹滿欲吐鼻燥其脈浮者先吐之沈弦者先下之

酒疸心中熱欲嘔者吐之即愈

酒疸黃色心下結熱而煩

酒疸下之久久爲黑疸目青面黑心中如噉蒜齏狀大便正黑皮膚爪之不仁其脉浮弱雖黑微黃故知之

寸口脉微而弱微則惡寒弱則發熱當發不發骨節疼痛當煩不煩而極汗出跌陽脉緩而遲胃氣反強

少陰脉微微則傷精陰氣寒冷少陰不足穀氣反強飽則煩滿滿則發熱客熱消穀發已復飢熱則腹滿微則傷精穀強則瘦名曰穀寒熱

陽明病脉遲者食難用飽飽則發煩頭眩者必小便難此欲作穀疸雖下之腹滿如故所以然者脉遲故也

師曰寸口脉浮而緩浮則爲風緩則爲痺痺非中風四肢苦煩脾色必黃瘀熱以行

跌陽脉緊而數數則爲熱熱則消穀緊則爲寒食即滿也

脉浮為傷腎跌陽脉緊為傷脾風寒相搏食穀則眩暈者
消胃中其濁濁氣下流小便不通陰被其寒熱流膀胱身體
盡黃名曰穀疸

額上黑微汗出手足中熱薄暮則發膀胱急小便自利名曰
女勞疸腹如水狀不治

黃家日晡所發熱而反惡寒此為女勞得之膀胱急少腹滿
身盡黃額上黑足下熱因作黑疸其腹脹如水狀大便必黑
時溇此女勞之病非水也腹滿者難治消石礬石散主之
夫瘧脉自弦也弦數者多熱弦遲者多寒弦小緊者可下之
弦遲者可溫藥若脉緊數者可發汗針灸之浮大者吐之脉
弦數者風發也以飲食消息止之

瘧病結為癥瘕名曰瘧母醫甲煎圓主之

瘧但見熱者溫瘧也其脈平身無寒但熱骨節疼煩時嘔朝發暮解暮發朝解名曰溫瘧白虎加桂枝湯主之
瘧多寒者牡瘧也蜀漆散主之

平胃痺心痛短氣賁豚脈證第十

師曰夫脉當取太過與不及陽微陰弦則胃痺而痛所以然者賁其極虛也今陽虛知在上臆所以胃痺心痛者以其脉陰弦故也

胃痺之病喘息欬唾背脊痛短氣寸口脉沈而遲關上小緊數者枯樓薤白白酒湯主之

平人無寒熱短氣不足以息者實也

賁豚病者從少腹起上衝咽喉發作時欲死復止皆從驚得其氣上衝胃脘痛及往來寒熱賁豚湯主之

脈浮弱手按之絕者下血煩欬者必吐血

寸口脈微而弱氣血俱虛男子則吐血女子則下血嘔吐汗出者爲可治

趺陽脈微而弱春以胃氣爲本吐利者爲可不者此爲有水氣其腹必滿小便則難

病人身熱脈小絕者吐血若下血婦人亡經此爲寒脈逆者背上反寒悸氣喜唾

脈有陰陽趺陽少陰脈皆微其人不吐下必亡血

脈沈爲在裏榮衛內結骨滿必吐血

男子盛大其脈陰陽微趺陽亦微獨少陰浮大必便血而失精設言淋者當小便不利

趺陽脈弦必腸痔下血

病人肯滿唇痿舌青口燥其人但欲漱水不欲嚥無寒熱微大來溼腹不滿其人言我滿爲有瘀血當汗出不出內結亦爲瘀血病者如熱狀煩滿口乾燥而渴其脉反無熱此爲陰伏是瘀血也當下之

下血先見血後見便此近血也先見便後見血此遠血也

平嘔吐噦下利脉證第十四

嘔而脉弱小便復利身有微熱見厥者難治

跌陽脉浮者胃氣虛寒氣在上憂氣在下二氣並爭但出不入其人即嘔而不得食恐怖而死寬緩即差

夫嘔家有癰膿者不可治嘔膿盡自愈

先嘔却渴者此爲欲解先渴却嘔者爲水停心下此屬飲家嘔家本渴今反不渴者以心下有支飲也

問曰病人脉數數爲熱當消穀引食而反吐者何也

師曰以發其汗令陽微腠氣虛脉乃數數爲客熱不能消穀胃中虛冷故吐也

陽緊陰數其人食已即吐陽浮而數亦爲吐

寸緊尺澀其人胃滿不能食而吐吐止者爲下之故不能食設言未止者此爲胃反故尺爲之微澀也

寸口脉緊而芤緊則爲寒芤則爲虛虛寒相搏脉爲陰結而遲其人則噎閉上脉數其人則吐

脉弦者虛也胃氣無餘朝食暮吐變爲胃反寒在於上醫反下之今脉反弦故名曰虛

趺陽脉微而澀微則下利澀則吐逆穀不得入也

寸口脉微而數微則無氣無氣則榮虛榮虛則身不凝血不

足則胃中冷跌陽脉浮而澀浮則爲虛澀則傷脾脾傷則不
磨朝食暮吐暮食朝吐宿穀不化名曰胃反脉緊而澀其病
難治

夫吐家脉來形狀如新卧起

病人欲吐者不可下之

嘔吐而病在膈上後思水者解急與之思水者猪苓散主之
噦而腹滿視其前後知何部不利利之即愈

夫六腑氣絕於外者手足寒上氣脚縮五藏氣絕於內者下
利不禁下甚者手足不仁

下利脉沈弦者下重其脉大者爲未止脉微弱數者爲欲自
止雖發熱不死

脉滑按之虛絕者其人必下利

診得肺積脉浮而毛按之辟易脇下氣逆背相引痛少氣善
忘目瞋皮膚寒秋差夏劇主皮中時痛如蟲緣之狀甚著如
針刺時養其色白

診得心積脉沈而孔上下無常處病皆滿悸腹中熱面赤噎
乾心煩掌中熱甚即唾血主身瘦癥主血瘀夏差劇其色赤
診得脾積脉浮大而長飢則減飽則見臍起與穀爭減心下
累累如桃李起見於外腹滿嘔泄腸鳴四肢重足脛腫厥不
能卧是主肌肉損其色黃

診得肝積脉弦而細兩脇下痛邪走心下足腫寒脇痛引少
腹男子積疝女子瘕淋身無膏澤喜轉筋爪甲枯黑春差秋
劇其色青

診得腎積脉沈而急善脊與腰相引痛飢則見飽則減少腹

裏急口乾咽腫傷爛目眈眈骨中寒主髓脈善忘其色黑

寸口脈沈而橫者脇下及腹中有橫積痛其脈弦腹中急痛

腰背痛相引腹中有寒疝瘕脈弦緊而微細者瘕也夫寒痺

瘕瘕積聚之脈皆弦緊若在心下即寸弦緊在胃管即關弦

緊在臍下即尺弦緊

言其脈弦長有積在臍左右上下也

又脈瘕法左手脈橫瘕在左右手脈橫瘕在右脈頭大者在

上頭小者在下

又法橫脈見左積在右見右積在左偏得洪實而滑亦為積

弦緊亦為積為寒痺為疝瘕內有積不見脈難治見一脈作

脇相應為易治諸不相應為不治

左手脈大右手脈小上病在左脇下病在左足

右手脈大左手脈小上病在右脇下病在右足

脉弦而伏者腹中有癥不可轉也必死不治

脉來細而沈時直者身有癰腫者腹中有伏梁

脉來小沈而實者胃中有積聚不下食食即吐

平驚悸衄吐下血胃滿瘀血脉證第十三

寸口脉動而弱動則爲驚弱則爲悸

趺陽脉微而浮浮則胃氣虛微則不能食此恐懼之脉憂迫所作也驚生病者其脉止而復來其人目睛不轉不能呼氣寸口脉緊趺陽脉浮胃氣則虛

寸口脉緊寒之實也寒在上膈胃中必滿而噎胃氣虛者趺陽脉浮少陽脉緊心下必悸何以言之寒水相搏二氣相爭是少悸

脉得諸濕濡弱爲亡血

寸口脉弦而大弦則爲臧大則爲乳臧則爲寒乳則爲虛寒
虛相搏此名爲革婦人則半產漏下男子則亡血

亡血家不可攻其表汗出則寒慄而振

問曰病衄連日不止其脉何類師曰脉來輕輕在肌肉尺中

自溢

一云尺脉浮

目睛暈黃衄必未止暈黃去目睛慧了知衄必止

師曰從春至夏發衄者太陽從秋至冬發衄者陽明

寸口脉微弱尺脉澀弱則發熱澀爲無血其人必厥微嘔夫

厥當眩不眩而反頭痛痛爲實虛上實必衄也

太陽脉大而浮必衄吐血

病人面無血色無寒熱脉沈弦者衄也

衄家不可發其汗汗出必額上促急而緊直視而不能瞬不

得眠

師曰寸口脉微而數微則爲風數則爲熱微則汗出數則惡寒風中於衛呼氣不入熱過於榮吸而不出風傷皮毛熱傷血脉風舍於肺其人則欬口乾喘滿咽燥不渴多唾濁沫時振寒熱之所過血爲凝滯畜結癰膿吐如米粥始萌可救膿成則死

欬而喘滿振寒脉數咽乾不渴時時出濁唾腥臭久久吐膿如粳米粥者爲肺癰桔梗湯主之

肺癰背滿脹一身面目浮腫鼻寒清涕出不聞香臭酸辛欬逆上氣喘鳴迫塞聲重犬齕瀉肺湯主之

寸口脉數趺陽脉緊寒熱相搏故振寒而欬趺陽脉浮緩胃氣如經此爲肺癰

問曰振寒發熱寸口脉滑而數其人飲食起居如故此爲癰

腫病醫反不知而以傷寒治之應不愈也何以知有膿膿之所在何以別知其處

師曰假令膿在胷中者為肺癰其人脈數欬唾有膿血設膿未成其脈自緊數緊去但數膿為已成也

夫病吐血喘欬上氣其脈數有熱不得卧者死上氣面浮腫省息其脈浮大不治又加利尤甚上氣躁而喘者屬肺脹欲作風水發汗則愈

一云欬而上氣肺脹其脈沉下有水氣也黃芩金匱要略作浮

夫酒客欬者必致吐血此坐極飲過度所致也

欬家脈弦為有水可與十棗湯下之欬而脈浮其人不欬不食如是四十日乃已

云三

欬而時發熱脈卒弦者非虛也

此為胷中寒實所致也當吐之欬家其脈弦欲行吐藥當相人強弱而無熱乃可吐之其脈沈者不可發汗久欬數歲其

脉弱者可治實大數者不可治其脉虛者必苦冒其人本有支飲在胃中故也治屬飲家

問曰夫飲有四何謂也師曰有淡飲

留飲

有懸飲有溢飲有

支飲問曰四飲何以爲異師曰其人素盛今瘦水走腸間漑漑有聲謂之淡飲飲後水流在脇下欬唾引痛謂之懸飲飲水流行歸於四肢當汗出而不汗出身體疼重謂之溢飲欬逆倚息短氣不得卧其形如腫謂之支飲

留飲者脇下痛引缺盆欬轉盛

二云輒已

胃中有留飲其人短氣而渴四肢歷節痛其脉沉者有留飲夫心下有留飲其人背寒冷大如手

病者脉伏其人欲自利利者反快雖利心下續堅滿此爲留飲飲去故也封遂半夏湯主之

病淡飲者當以溫藥和之

心下有淡飲脅脇支滿目眩甘草

草一作湯

湯主之

病溢飲者當發其汗小青龍湯主之

支飲亦喘而不能卧加短氣其脈平也

膈間支飲其人喘滿心下痞堅面色黧黑其脈沉緊得之數

十日醫吐下之不愈术防已湯主之

心下有支飲其人苦冒眩澤瀉湯主之

嘔家本渴渴者為欲解今反不渴心下有支飲故也小半夏

湯主之

夫有支飲家欬煩胃中痛者不卒死至一百日或一歲可與

十棗湯

膈上之病滿喘欬吐發則寒熱背痛腰疼目泣自出

目一作目位

下利有微熱其人渴脉弱者今自愈

下利脉數若微發熱汗自出者自愈設脉復緊為未解

下利寸脉反浮數尺中自澀其人必清膿血

下利手足厥無脉灸之不溫若脉不還反微喘者死

少陰負趺陽者為順也

下利脉數而浮一作渴者今自愈設不差其人必清膿血以有

熱故也

下利後脉絕手足厥冷晬時脉還手足溫者生脉不還者死

下利脉反弦發熱身汗者自愈

下利氣者當利其小便

下利清穀不可攻其表汗出必脹滿其藏寒者當下之

下利脉沈而遲其人面少赤身有微熱

下利清穀必鬱冒汗出而解其人微厥者以然者裏面戴陽下虛故也

下利腹脹病身體疼痛先溫其裏乃攻其表

下利脉遲而滑者實也利未欲止當下之

下利脉反滑者當有所去下乃愈

下利差至其年月日時復發此爲病不盡當復下之

下利而譫語者爲有燥屎也宜下之

下利而腹痛滿爲寒實當下之

下利腹中堅者當下之

下利後更煩按其心下濡者爲虛煩也

下利後脉三部皆平按其心下堅者可下之

下利脉浮大者虛也以強下之故也設脉浮革因爾腸鳴當

溫之

病者痿黃躁而不渴胃中寒實而下利不止者死

夫風寒下者不可下之下之後心下堅痛脈遲者爲寒但當溫之脈沈緊下之亦然脈大浮弦下之當已

平肺痿肺癰欬逆上氣痰飲肺證第十五

問曰熱在上焦者因欬爲肺痿肺痿之病從何得之

師曰或從汗出或從嘔吐或從消渴小便利數或從便難數被駛藥下利重亡津液故得之

寸口脈不出而反發汗陽脈早索陰脈不澀三焦踰蹶入而不出陰脈不澀身體反冷其內反煩多唾脣燥小便反難此爲肺痿傷於津液便如爛瓜亦如豚腦但坐發汗故也

肺痿其人欲欬不得欬欬則出乾沫久久小便不利甚則脈

浮弱

肺痿吐涎沫而不效者其人不渴必遺溺小便數所以然者
以上虛不能制下也此爲肺中冷必眩多涎唾甘草乾姜湯
以溫其藏

師曰肺痿欬唾咽燥欲飲水者自愈自張口者短氣也

欬而口中自有津液舌上胎滑此爲浮寒非肺痿也

問曰寸口脈數其人欬口中反有濁唾涎沫者何也

師曰此爲肺痿之病若口中辟辟燥欬則胷中隱隱痛脈反
滑數此爲肺癰

欬唾膿血脈數虛者爲肺痿脈數實者爲肺癰

問曰病欬逆脈之何以知此爲肺癰富有膿血吐之則死後
竟吐膿死其脈何類

新刊王氏脉經卷第九

朝散大夫守光祿卿直秘閣判開封府上護軍臣林億等類次

平妊娠分別男女將產諸證第一

平妊娠胎動血分水分吐下腹痛證第二

平產後諸病鬱冒中風發熱煩嘔下利證第三

平帶下絕產無子亡血居經證第四

平鬱冒五崩漏下經閉不利腹中諸病證第五

平咽中如有炙腐喜悲熱入血室腹滿證第六

平陰中寒轉胞陰吹陰生瘡脫下證第七

平婦人病生死證第八

平小兒雜病證第九

平妊娠分別男女將產諸證第一

脉平而虛者乳子法也經云陰搏陽別謂之有子此是血氣和調陽施陰化也診其手少陰脉動甚者妊子也少陰心脉也心主血脉又腎名胞門子戶尺中腎脉也尺中之脉按之不絕法妊娠也三部脉沈浮正等按之無絕者有娠也妊娠初時寸微小呼吸五至三月而尺數也脉滑疾重以手按之散者胎已三月也脉重手按之不散但疾不滑者五月也婦人妊娠四月欲知男女法左疾爲男右疾爲女俱疾爲生二子

又法得太陰脉爲男得太陽脉爲女太陰脉沈太陽脉浮

又法左手沈實爲男右手浮大爲女左右手俱沈實猥生二男左右手俱浮大猥生二女

又法尺脉左偏大爲男右偏大爲女左右俱大產二子大者妬

質狀

又法左右尺俱浮爲產二男不爾則女作男生左右尺俱沈爲產二女不爾則男作女生也

又法遣姪娘人面南行還復呼之左廻首者是男右廻首者是女也

又法看上圍時夫從後急呼之左廻首是男右廻首是女也

又法婦人姪娘其尖左乳房有核是男右乳房有核是女也

婦人懷娘離經其脉浮設腹痛引腰脊爲今欲生也但離經者不病也

又法婦人欲生其脉離經夜半覺日中則生也

平妊娠胎動血分水分吐下腹痛證第三

婦人懷胎一月之時足厥陰脉養二月是少陽脉養三月手心

主脉養四月手少陽脉養五月足太陰脉養六月足陽明脉養
七月手太陰脉養八月手陽明脉養九月足少陰脉養十月足
太陽脉養諸陰陽各養三十日活兒手太陽少陰不養者下主
月水上爲乳汗活兒養母懷娠者不可灸刺其經必墮胎

婦人懷娠三月而渴其脉反遲者欲爲水分復腹痛者必墮胎
○脉浮汗出者必閉其脉數者必發癰腫五月六月脉數者必
向壞脉緊者必胞漏脉遲者必腹滿而喘脉浮者必水壞爲腫
○問曰有一婦人年二十所其脉浮數發熱嘔欬時下利不欲
食脉復浮經水絕何也師曰法當有娠何以故此虛家法當微
弱而反浮數此爲戴陽陰陽和合法當姙娠到立秋熱當自去
何以知然數則爲熱二者是火火是水之子死於未未爲六月
位土王火休廢陰氣生秋節氣至少氣當罷熱自除去其病愈

目其人振振身瞤劇必有伏飲

夫病人飲水多必暴喘滿凡食少飲多心下水停甚者則悸微者短氣

脉雙弦者寒也皆大下後喜虛脉偏弦者飲也肺飲不弦但喜喘短氣

病人一臂不隨時復轉移在一臂其脉沈細非風也必有飲在上臑其脉虛者爲微勞榮衛氣不周故也又久自差二三日自差腹滿口苦乾燥此腸間有水氣也防已椒目葶藶大黃丸主之假令瘦人臍下悸吐涎沫而顛眩者水也五苓散主之先渴却嘔爲水停心下此屬飲家半夏加茯苓湯主之

水在心心下堅築短氣惡水不欲飲水在肺吐涎沫欲飲水水在脾少氣身重水在肝脇下支滿噎而痛水在腎心下悸

平癰腫腸癰金瘡侵淫脉證第十六

脉数身無熱內有癰也

一云腹內積聚身體一本作无熱脉数此為腸有膿意或附于敗瘡曹湯主之

諸浮数脉應當發熱而反洒淅惡寒若有痛處當發其癰

脉微而遲必發熱弱而数為振寒當發癰腫

脉浮而数身體無熱其形嘿嘿背微躁

一作胃中微燥

不知痛之

所在此人當發癰腫

脉滑而数数則為熱滑則為實滑則主榮数則主衛榮衛相

逢則結為癰熱之所過則為膿也

師曰諸癰腫欲知有膿與無膿以手掩腫上熱者為有膿不

熱者為無膿

問曰官羽林婦病醫脉之何以知婦人腸中有膿為下之則

愈師曰寸口脉滑而数滑則為實数則為熱滑則為榮数則

衛衛數下降熱滑上鼻衄衄相干血爲渴敗少腹脹
便或澀或時汗出或復惡寒膿爲已成設脉遲緊聚爲瘰癧
血下則愈

腦癰之爲病其身體甲錯腹皮

一作支

急按之濡如腫狀腸癰

者少腹腫按之則痛小便數如淋時時發熱自汗出復惡寒
其脉遲緊者膿未成可下之當有血脉洪數者膿已成不可
下也大黃牡丹湯主之

問曰寸口脉微而澀法當亡血若汗出設不汗者云何
答曰若身有癢被刀器所傷亡血故也

候淫瀉從口起流向四肢者可治從四肢流來入口者不可
治之

新刊王氏脉經卷第八

師曰有一婦人來診自道經斷即去師曰一月血爲閉三月若有若無三月爲血積譬如雞伏子中寒即濁中熱即祿欲令胎壽當治其母挾寒懷子命則不壽也譬如雞伏子試取雞一毛拔去覆子不遍中寒者濁今夫人有軀少腹寒手掌反逆奈何得有軀婦人因言當奈何師曰當與溫經湯設與夫家俱來者有軀與父母家俱來者當言寒多父不作軀

師曰有一婦人來診因言陰陽俱和調陽氣長陰氣短但出不入去近來遠故曰反以爲有軀偏反血斷斷來幾日假令審實者因言急當治恐經復下設令宮中人若寡婦無夫曾夜夢寐交通邪氣或懷久作癥瘕急當治下服二湯設復不愈因言髮湯當中下胎而反不下此何等意邪可使且將視赤烏一作赤馬

師曰若宮里張氏不差復來相問臣億等詳此文理胎誤不

此於

師曰脉婦人得平脉陰脉小弱其人渴不能食無寒熱名為軀
桂枝主之法六十日當有娠設有醫治逆者却一月加吐下者
則絕之方在傷寒中

婦人脉平而虛者乳子法也平而微者實奄續法也而反微瀯
其人不亡血下利而反甚其脉虛俱坐乳大兒及乳小兒此自
其常不能令其甚虛竭病與亡血虛等必眩冒而短氣也

師曰有一婦人好裝衣來診而得脉瀯因問曾乳子下利乃當
得此脉耳曾半生漏下者可設不者經斷三月六月設乳子漏
下可為奄續斷小兒勿乳須利止復來相問脉之

以上俱
有脫誤

師曰寸口脉微遲尺微於寸寸遲為寒在上焦但當吐耳今尺
反虛復為強下之如此發背滿而痛者必吐血少腹痛腰脊痛

者必下血師曰寸口脉微而弱氣血俱虛若下血嘔吐汗出者可不者跌陽脉微而弱春以胃氣爲本吐利者可不者此爲水氣其腹必滿小便則難

婦人常嘔吐而胃反若常喘

一作多嘔

其經又斷設來者必少

師曰有一婦人年六十所經水常自下設久得病利少腹堅滿者爲難治

師曰有一婦人來診言經水少不知前者何也師曰曾更下利若汗出小便利者可何以故師曰亡其津液故令經水少設經下反多於前者當所苦困當言恐大便難身無復汗也

師曰寸口脉沈而遲沈則爲水遲則爲寒寒水相搏跌陽脉伏水穀不化脾氣衰則驚澹胃氣衰則身體腫少陽脉_浮少陰脉_微細男子則小便不利婦人則經水不通經爲血血不利則爲水

名曰血分

水分

師曰寸口脉沈而數數則爲出沈則爲入出則爲陽實入則爲陰結跌陽脉微而弦微則無胃氣弦則不得息少陰脉沈而滑沈則爲在裏滑則爲實沈滑相搏血結胞門其藏不瀉經絡不通名曰血分

問曰病有血分何謂也師曰經水前斷後病水名曰血分此病爲難治

問曰病有水分何謂也師曰先病水後經水斷名曰水分此病易治何以故去水其經自當下

脉濡而弱弱反在關濡反在顛遲在上緊在下遲則爲寒名曰渾陽濁則濕名曰霧緊則陰氣慄脉反濡弱濡則中濕弱則中寒寒濕相搏名曰痺腰脊骨節苦煩肌爲不仁此當爲痺而反

師曰乳後三月有所見後三月來脉無所見此便是軀有兒者護之恐病利也何以故懷妊陽氣內養乳中虛冷故令兒利

婦人懷娠六月七月脉弦發熱其胎踰腹腹痛惡寒者小腹痛如扇之狀所以然者子藏閉故也當以附子湯溫其藏

婦人妊娠七月脉實太牢強者生沈細者死

婦人妊娠八月脉實太牢強弦緊者生沈細者死

婦人懷軀六月七月暴下斗餘水其胎必倚而墮此非時孤漿預下故也

師曰寸口脉洪而瀦洪則爲氣瀦則爲血氣動丹田其形即溫瀦在於下胎冷若水陽氣胎活陰氣必終欲別陰陽其下必瀦假令陽終畜然若杯

問曰婦人妊娠病師脉之何以知此婦人雙胎其一獨死其一

獨生而爲下其死者其病即愈然後竟免軀其脉何類別之
。師曰寸口脉衛氣平調榮氣緩舒陽施陰化精盛有餘陰陽
俱盛故成雙軀今少陰微緊血即濁凝經養不周胎則偏夭少
腹冷滿膝臍疼痛腰重起難此爲血理若不早去害母失胎
師曰婦人有胎腹痛其人不安若胎病不長欲知生死令人摸
之如覆杯者則男如肘頭參差起者女也冷在何面冷者爲死
溫者爲生

師曰婦人有漏下者有中生後因續下血都不絕者有妊娠下
血者假令妊娠腹中痛爲胞漏阻膠艾湯主之

婦人妊娠經斷三月而得漏下下血四十日不止胎欲動在於
臍上此爲妊娠六月動者前三月經水利時胎也下血者後斷
三月衄也所以下血不止者其癥不去故也當下其癥宜桂枝

茯苓圖

問曰婦人病經水斷一二月而反經來今脉反微澀何也師曰
此前月中若當下利故令妨經利止月經當自下此非軀也
婦人經自斷而有軀其脉反弦恐其後必天下不成軀也
婦人懷軀七月而不可知時之衄血而轉筋者此爲軀也衄時
嚔而動者非軀也

脉來近去遠故曰反以爲有軀而反斷此爲有陽無陰故也

婦人經月下但爲微少師脉之反言有軀其後審然其脉何類
何以別之師曰寸口脉陰陽俱平榮衛調和按之滑浮之則輕
陽明少陰各如經法身反洒淅不欲食飲頭痛心亂嘔噦欲吐
呼則微數吸則不驚陽多氣溢陰滑氣盛滑則多實六經養成
所以月見陰見陽精汁凝胞散散者損墮設復陽氣復壯胎

今陽不足故令激經也

婦人妊娠小便難飲如故當歸貝母苦參圓主之

婦人妊娠有水氣身重小便不利洒灑惡寒起即頭眩葵子茯苓散主之

婦人妊娠宜服當歸散即易產無疾苦

師曰有一婦人來診脈一作自道經斷不來師言一月爲經二月

爲血三月爲居經是定作軀也或爲血積譬如雞乳子熱者爲

祿寒者多濁且當須後月復來經當入月幾日來假令以七日

所來因言且須後月十日所來相間設其主復來者因脈之脈

反沈而瀋因問曾經半生若漏下亡血者定爲有軀其人言實

有宜是當護之今經微弱恐復不安設言當奈何當爲合藥以

治之

師曰脉微弱而澀年少得此為無子中年得此為絕產

師曰少陰脉浮而緊緊則疝瘕腹中痛半產而墮傷浮則亡血
絕產惡寒

師曰肥人脉細胞有寒故令少子其色黃者胃上有寒

婦人少腹硯音磊切轉痛而復自解發作無常經反斷膀胱

中結緊急痛下引陰中氣衝者久必兩脇拘急

問曰婦人年五十所病下利數十日不止暮則發熱少腹裏急
痛腹滿手掌熱唇口乾燥何也師曰此病屬帶下何以故曾經
半產瘀血在少腹中不去何以知之其證唇口乾燥故知之當
與溫經湯

問曰婦人病下利而經水反斷者何也師曰但當止利經自當
下勿怪所以利不止而血斷者但可利之津液故經斷利止津

液復經當自下

婦人血下咽乾而不渴其經必斷此榮不足本自有微寒故不引飲渴而引飲者津液得通榮衛自和其經必復下

師曰寸口脉微而濇微則衛氣不足濇則血氣無餘衛不足其息短其形燥血不足其形逆榮衛俱虛言語謬誤跌陽脉浮而濇濇則胃氣虛虛則短氣咽燥而口苦胃氣濇則失液少陰脉微而濇微則無精濇則陰中寒濇則血不來此爲居經三月一來

師曰脉微血氣俱虛年少者亡血也乳子下利爲可不者此爲居經三月一來

問曰婦人妊娠三月師脉之言此婦人非軀今月經當下其脉何類何以別之師曰寸口脉衛浮而大榮反而弱浮大則氣強

反弱則少血孤陽獨呼陰不能吸二氣不停衛降榮竭陰爲積

寒陽爲聚熱陽盛不潤經絡不足陰虛陽往一作實故令少血時

發洒淅咽燥汗出或溲稠數多唾涎沫此令重虛津液漏泄故

知非軀畜煩滿血月稟一經三月一來陰盛則瀉名曰居經

問曰婦人年五十所一朝而清血二三日不止何以治之師曰

此婦人前絕生經水不下今反清血此爲居經不須治當自止

經水下常五日止者五日愈

婦人月經一月再來者經來其脉欲自知常而反微不利不汗

出者其經二月必來此言

平鬱冒五崩漏下經閉不利腹中諸病證第五

問曰婦人病經水適下而發其汗則鬱冒不知人何也師曰經

水下故爲裏虛而發其汗爲表復虛此爲表裏俱虛故令鬱冒

也

問曰婦人病如癰疾醫冒一日二十餘發師脉之反言帶下皆如師言其脉何類何以別之師曰寸口脉濡而緊濡則陽氣微緊則榮中寒陽微衛氣虛血竭凝寒陰陽不和邪氣舍於榮衛疾疾一作候一起年少時經水來以合房室移時過度精感命門開經下血虛百脉皆張中極感陽動微風激成寒因虛舍榮衛冷積於丹田發動上衝奔在背隔津液掩口入涎唾涌溢出眩冒狀如厥氣衝髀裏熱粗醫各爲癰灸之因大劇

問曰婦人病苦氣上衝背眩冒吐涎沫髀裏氣衝熱師脉之不名帶下其脉何類何以別之師曰寸口脉沈而微沈則衛氣伏微則榮氣絕陽伏則爲疹陰絕則亡血病當小便不利津液閉塞今反小便通微汗出沈寒爲寒欬逆嘔沫其肺成痿津液竭

懷軀逢歸經體重以下脚爲肘腫按之沒指腰冷不仁此爲永
懷喘則倚息小便不通緊脈爲嘔血氣無餘此爲水分榮衛車
亡此爲非軀

平產後諸病鬱冒中風發熱煩嘔下利證第三

問曰新產婦人有三病一者病瘧亦作瘧二者病鬱冒三者大便

難何謂也師曰新產亡血虛多汗出喜中風故令病瘧何故鬱

冒師曰亡血復汗寒多故令鬱冒何故大便難師曰亡津液胃

燥故大便難產婦鬱冒其脈微弱嘔不能食大便反堅但願汗

出所以然者血虛而厥厥而必冒胃家欲解必大汗出以血虛

下厥孤陽上出故但願汗出所以生婦喜汗出者亡陰血虛陽

氣獨盛故當汗出陰陽乃復所以便堅者嘔不能食也小柴胡

湯主之病解能食七八日而更發熱者此爲胃熱氣實承氣湯

主之方在傷寒中

婦人產得風續之數十日不解頭微痛惡寒時有熱心下堅乾嘔汗出雖久陽旦證續在可與陽旦方在傷寒中桂枝是也
○婦人產後中風發熱面正赤喘而頭痛竹葉湯主之

婦人產後腹中疝痛可與當歸羊肉湯

師曰產婦腹痛煩滿不得臥法當枳實芍藥散主之假令不愈者此為腹中有乾血著臍下與下瘀血湯

婦人產後七八日無太陽證少腹堅痛此惡露不盡不大便四五日跌陽脈微實再倍其人發熱日晡所煩燥者不能食譫語利之則愈宜承氣湯以熱在裏結在膀胱也方在傷寒中
婦人產中虛煩亂嘔逆安中益氣竹皮大圓主之

婦人熱利重下新產虛極白頭翁加甘草湯主之

千金方又加阿膠

平帶下絕產無子亡血居經證第四

師曰婦人帶下六極之病脉浮則爲腸鳴腹滿緊則爲腹中痛數則爲陰中癢痛則生瘡弦則陰疼掣痛

師曰帶下有三門一曰胞門二曰龍門三曰玉門已產屬胞門未產屬龍門未嫁女屬玉門

問曰未出門女有三病何謂也師曰一病者經水初下陰中熱或有當風或有弱者二病者或有以寒水洗之三病者或見丹下驚怖得病屬帶下

師曰婦人帶下九實中事假令得鼠乳之病劇易當劇有期當庚辛爲期餘皆倣此

脫後

問曰有一婦人年五十所病但苦背痛時々腹中痛少食多厭喜腹脹其脉陽微關尺小緊形脉不相應願知所訖師曰當問

病者飲食何如假令病者言我不欲飲食聞穀氣臭者病爲在上
上焦假令病者言我少多爲欲食不食亦可病爲在中焦假令
病者言我自飲食如故病爲在下焦爲病屬帶下當以帶下治
之

婦人帶下經水不利少腹滿痛經一月再見土瓜根散主之

婦人帶下脉浮惡寒漏下者不治

師曰有一婦人將一女年十五所來問診言女年十四時經
水自下今經反斷其母言恐怖師曰言此女爲是夫人親女非
耶若親者當相爲說之婦人因荅言自是女爾師曰所以問者
無他夫人年十四時亦以經水下所以斷此爲避年勿怪後當
自下

此言

婦人少腹冷惡寒又年少者得之此爲無子年大者得之絕產

少陰脉弦者白腸必挺核

少陰脉浮而動浮則為虛動則為痛婦人則脫下

平婦人病生死證第八

診婦人漏血下赤白日下血數升脉急疾者死遲者生

診婦人漏下赤白不止脉小虛滑者生大緊實數者死

診婦人新生乳子脉沈小滑者生實大堅弦急者死

診婦人病瘕積聚脉弦急者生虛弱小者死

診婦人新生乳子因得熱病其脉懸小四肢溫者生寒清者死

診婦人生產因中風傷寒熱病喘鳴而肩息脉實大浮緩者生

小急者死

診婦人生產之後寸口脉炎疾不調者死沈微附骨不絕者生

金瘡在陰處出血不絕陰脉不能至陽者死接陽而復出者

生

平小兒雜病證第九

小兒脉呼吸八至者平九至者傷十至者困

診小兒脉法多雀闕要以三部脉為主若緊為風癰沈者乳不消弦急者客忤氣

小兒是其日數應變蒸之時身熱而脉乱汗不出不欲食食輒吐哕者脉乱無苦也

小兒脉沈而數者骨間有熱欲以腹按冷清也

小兒大便赤青辦殮洩脉小手足寒難已脉小手足溫易已


小兒病困汗出如珠著身不流者死

小兒病其頭毛皆上逆者必死耳間青脉起者瘰癧

小兒病而肉陷入其口脣乾目皮反口中氣出冷足与頭相

臥不舉身手足四肢垂其臥正直如得縛其掌中冷皆死不治
自不可復治之

新刊王氏脈經卷第九



少亡血損經絡因寒爲氣厥手足苦痺氣從丹田起上至膏肓
沈寒憊鬱於上骨中空塞氣歷陽部面翕如醉形臃似肥此乃
浮虛醫反下之長針復重虛禁衛久發眩冒故知爲血厥也
問曰五崩何等類師曰白崩者形如涕赤崩者形如絳黃崩
者形如爛瓜青崩者形如藍色黑崩者形如衄血也

師曰有一婦人來脉反得微瀉法當吐若下利而言不因言夫
人年幾何夫人年七七四十九經水當斷反至今不止以故致
此虛也

寸口脉弦而大弦則爲減大則爲亢減則爲寒亢則爲虛寒虛
相搏脉則爲革婦人則半產漏下旋復花湯主之

婦人陷經漏下黑不解膠薑湯主之

婦人經水不利抵當湯主之在傷寒中

婦人經水閉不利藏堅癖不止中有乾血下白物礬石圓注

婦人腹中諸疾痛當歸芍藥散主之

一云治環澼
腹中疼痛

婦人腹中痛小建中湯主之方在傷寒中

一云腹中痛小便
利理中湯主之

平咽中如有炙腐喜悲熱入血室腹滿證第六

婦人咽中如有炙腐狀半夏厚朴湯主之

婦人藏燥喜悲傷欲哭象如神靈所以數欠甘草小麥湯主之

婦人中風發熱惡寒經水適來得之七八日熱除脉遲身涼

脇下滿如結脅狀其人譫語此為熱入血室當刺期門隨其虛

實而取之

婦人中風七八日續有寒熱發作有時經水適斷者此為熱入

血室其血必結故使如瘧狀發作有時小柴胡湯主之方在傷

寒中

如人傷寒發熱經水適來晝日了了暮則譫語如見鬼狀此為
熱入血室無犯胃氣若上二焦必當自愈疑一字

陽明病下血而譫語此為熱入血室但頭汗出者當刺期門隨
其實而瀉之澀然汗出者則愈

婦人少腹滿如敦敦狀要略云小便微難而不渴生後疑者
此為水與血并結在血室大黃甘遂湯主之

平陰中寒轉胞陰吹陰生瘡脫下證第七

婦人陰寒溫中坐藥蛇床子散主之

婦人著坐藥強下其經自睚為痛足跟難以踐地心中狀如懸

。問曰有一婦人病飲食如故煩熱不得臥而反倚息者何也

師曰得病轉胞不得溺也何以故師曰此人故肌盛頭重身滿

今反羸瘦頭重中氣感一作胞系子矣故致此病利小便則愈

愈宜服腎氣圓以中有茯苓故也方在虛勞中

師曰脉得浮緊法當身軀疼痛設不痛者當射云何因當射言若腸中痛腹中鳴欬者因失便婦人得此脉者法當陰吹

師曰寸口脉浮而弱浮則爲虛弱則無血浮則短氣弱則有熱而自汗出跌陽脉浮而漇浮則氣滿漇則有寒喜噦吞酸其氣而下少腹則寒少陰脉弱而微微則少血弱則生風微弱則陰中惡寒胃氣下泄吹而正喧

師曰胃氣下泄吹而正喧此穀氣之實也膏髮導之

少陰脉滑而數者陰中則生瘡

少陰脉數則氣淋陰中生瘡

婦人陰中蝕瘡爛狼牙湯洗之

婦人臃腫如瓜陰中疼引膏痛者杏人湯主之

是也

中部左右彈者帶脈也動苦少腹痛引命門女子月水不來
絕經復下止陰辟寒令人無子男子苦少腹拘急或失精也
後部左右彈者陰蹻也動苦癰癩寒熱皮膚強_{一作痺}
後部左右彈者陰蹻也動苦少腹痛裏急腰及臍節下相連
陰中痛男子陰疝女子漏下不止

右陽蹻陰蹻帶脈

中央直前者手少陰也動苦心痛微堅腹脇急實堅者爲感
忤純虛者爲下利腸鳴滑者爲有娠女子陰中養痛痛出玉
門上一分前

中央直中者手心主也動苦心疼面赤食苦咽多喜怒哀微浮
者苦悲傷恍惚不樂也瀆爲心下寒沈爲恐怖如人捕之狀

也時寒熱有血氣

中央直後者手太陰也動苦欬逆氣不得息浮爲內風緊瀼者骨中有積熱時欬血也有沈熱

右手三陰脉

從少陰斜至太陽是陽維也動苦肌肉痺癢

從少陰斜至太陽是陽維也動苦顛僵仆羊鳴手足相引甚者失音不能言顛疾直取客主人兩陽維脉在外踝絕骨下

二寸

從少陽斜至厥陰是陰維也動苦顛癰僵仆羊鳴

從少陽斜至厥陰是陰維也動苦僵仆失音肌肉淫癢痺汗出惡風

脉來暫大暫小是陰絡也

一作結

動苦肉痺應時自發身洗滌

也

脈來暫小暫大者是陽絡也一作結動苦皮膚痛下部不仁汗出而寒也

右陽維陰維陽絡陰絡脈

前部橫於寸口凡凡者任脈也動苦少腹痛逆氣搶心胸拘急不得俛仰

三部俱牢直上直下者衝脈也動苦胸中有寒疝

三部俱浮直上直下者督脈也動苦腰脊強痛不得俛仰大人顛小兒癇

右任衝督三脈

肺脈之來也如循榆葉曰平如風吹毛曰病如狀連珠者死期丙丁日禺中日中

心脈之來也如反笋莞大曰平如連珠曰病前曲後居如帶
鈞者死期壬癸日人定夜半

肝脈之來也搏而若曰平如張新弓弦曰病如雞踐地者死
期庚辛日晡時日入

脾脈之來也阿阿如緩曰平如雞舉足曰病如鳥之啄如水
之滿者死期甲乙日平旦日出

腎脈之來也微細以長曰平來如彈石曰病去如解索者死
期戊己日食時日昃黃昏雞鳴

右平五藏脈

寸口中脈躁竟尺關中無脈應陽干陰也動苦腰背腹痛陰
中若傷足寒刺足太陽少陰直絕骨入九分灸太陰五壯
尺中脈堅實竟尺寸口無脈應陰干陽也動苦兩脛腰重少

新刊王氏脉經卷第十

手檢圖三十一部

朝散大夫奉直學士直秘閣判登聞鼓院護軍臣林億等類次

經言肺者人之五藏華蓋也上以應天解理萬物主行精氣
法五行四時知五味寸口之中陰陽交會中有五部前後左
右各有所主上下中央分爲九道浮沈結散知邪所在其道
奈何

歧伯曰脉大而弱者氣實血虛也脉大而長者病在下候浮
直上下交通者陽脉也堅在腎急在肝實在肺前如外者是
太陽也中央如外者是陽明也後如外者是少陽也中央直
前者手少陰也中央直中者手心主也中央直後者手太陰
也前如內者是足厥陰也中央如內者是太陰也後如內者是

少陰也前部左右彈者陽蹻也中部左右彈者帶脉也後部左右彈者陰蹻也從少陽之厥陰者陰維也從少陰之太陰者陽維也來大時小者陰絡也來小時大者陽絡也

前如外者是太陽也動苦頭項腰痛浮爲風瀼爲寒熱緊爲宿食

前如外者是太陽也動苦目眩頭頸項腰背強痛也

男子陰下濕女子月水不利少腹痛引命門陰中痛

子臧閉浮爲風瀼爲寒血滑爲勞熱緊爲宿食鍼入九分却

至六分

中央如外者是陽明也動苦頭痛面赤微滑苦大便不利腸鳴不能食足脛痺

中央如外者是陽明也動苦頭痛面赤熱浮微滑苦大便不

利喜氣滿滑者為飲瀉為嗜卧腸鳴不能食足脢痺鍼入九分却至六分

後如外者足少陽也動苦腰背脢股肢節痛

後如外者足少陽也浮為氣瀉瀉為風血急為轉筋絃為勞鍼入九分却至六分

右足三陽脉

前如內者是厥陰也動苦少腹痛月經不利子藏閉

前如內者是厥陰也動苦少腹痛與腰相連大便不利小便難並中痛女子月水不利陰中寒子門壅絕內少腹急男子疝氣兩丸上入淋也鍼入六分却至三分

中央如內者是太陰也動苦胃中痛食不下欬唾有血是脛寒少氣身重從腰上狀如居水中

中央如內者是足太陰也動苦腹滿上脘有寒食不下病以飲食得之沈瀯者苦身重四肢不動食不化煩滿不能臥足脛痛苦寒時欬血泄利黃鍼入六分却至三分

後如內者是足少陰也動苦少腹痛與心相引背痛淋從高墮下傷於內小便血

後如內者是足少陰也動苦小腹痛與心相引背痛淋從高墮下傷於內便血裏急月水來上捨心胃腸滿拍急股裏急也鍼入六分却至三分

右足三陰脉

前部左右彈者陽蹻也動苦腰背痛微瀯為風瀯取陽蹻前部左右彈者陽蹻也動苦腰痛瀯瀯惡風偏枯僵仆羊鳴瘧痺皮膚身體強

一作淫

痺直取陽蹻在外踝上三寸直絕骨

寸口浮其人中風發熱頭痛

關上浮腹痛心下滿

尺中浮小便難

寸口遲上焦有寒

關上遲弱無胃氣有熱

尺中遲下焦有寒背痛

寸口濡陽弱自汗出

關上濡下重

尺中濡少血發熱惡寒

寸弱陽氣少

關弱無胃氣

尺弱少血

右雜言三部二十四種脈

新刊王氏脈經卷第十

腹痛顛疾刺足太陰踝上三寸鍼入五分又灸太陽陽蹻在足外踝上三寸直絕骨是也

寸口脈緊直至魚際下小按之如持維竿一作維毛狀其病腸鳴足痺痛酸腹滿不能食得之寒溫刺陽維在外踝上三寸間也入五分此脈出魚際

寸口脈沈著骨反仰其手乃得之此腎脈也動苦少腹痛腰體酸顛疾刺腎俞入七分又刺陰維入五分

初持寸口中脈如細堅狀久按之大而深動苦心下有寒胸脅苦痛陰中痛不欲近丈夫也此陰逆刺期門入六分又刺腎俞入五分可灸胃管七壯

初持寸口中脈如躁狀洪大久按之細而堅牢動苦腰腹相引痛以下至足胫重也不能食刺腎俞入四分至五分亦可

灸胃管七壯

尺寸俱沈但有關上脈苦寒心下痛

尺寸俱沈關上無有者苦心下喘

尺寸俱數有熱俱遲有寒

尺寸俱微厥血氣不足其人少氣

尺寸俱濡弱發熱惡寒出汗

一云內溫熱手足逆冷汗出

寸口沈胸中痛引背

一云短氣

關上沈心痛上吞酸

尺中沈引背痛

寸口伏胸中有逆氣

關上伏有水氣泄瀉

尺中伏水穀不消

寸口弦胃中拘急

一作心下
幅幅

關上弦胃中有寒心下拘急

尺中弦少腹臍下拘急

寸口緊頭痛逆氣

關上緊心下痛

尺中緊臍下少腹痛

寸口濡無陽少氣

關上濡無血厥冷

尺中濡無陰厥冷

寸口微無陽外寒

關上微中實

一作胃虛

能食故裏急

一作無胃氣

尺中微無陰厥冷腹中拘急

寸口滑胸滿逆

關上滑中實逆

尺中滑下利少氣

寸口數即吐

關上數胃中有熱

尺中數惡寒小便赤黃

寸口實即生熱虛即生寒

關上實即痛虛即脹滿

尺中實即小便難少腹牢痛虛即閉塞

寸口衄吐血微衄衄血

關上衄胃中虛

尺中衄下血微衄小便血